

## Сийрат дарслари (97-дарс). Қуръонни кўп биладиганлар



14:00 / 07.08.2020 4255

395. Ҳишом ибн Омир розияллоҳу анҳудан ривоят қилинади:

«Уҳуд куни Расулуллоҳ соллаллоҳу алайҳи васалламга шикоят қилиб: «Эй Аллоҳнинг Расули, бизга ҳар бир одамга (гўр) қазिश қийин», дедик. **«Қазинглар, чуқур қилинглари, кенг қилинглари, икки, уч кишини бир қабрга қўйинглари»**, дедилар. «Қайсинисини олдин қўямиз, эй Аллоҳнинг Расули»? дедик. **«Қуръонни кўп биладиганни»**, дедилар». Отам бир қабрга қўйилган уч кишининг учинчиси эди».

*Абу Довуд, Термизий ва Насоий ривоят қилишган.*

396. Жобир ибн Абдуллоҳ розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам Уҳудда қатл бўлганлардан икки кишини бир кийимга жамлар эдилар. Сўнгра: **«Икковидан қай бири Қуръонни кўп билади?»** дер эдилар. Улардан бирига ишора қилинса, ўшани лаҳадга олдин қўяр эдилар. У зот: **«Буларга Қиёмат куни мен гувоҳман»**, дедилар. Уларни қонлари билан дафн қилишга буюрдилар. Ювилмадилар ҳам, уларга намоз ҳам ўқилмади».

*Бухорий ривоят қилган.*

\* \* \*

397. Абдуллоҳ ибн Саълаба розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Уларни қонлари билан ўранглар. Чунки Аллоҳ йўлида етган жароҳат Қиёмат куни қон оққан ҳолда келади. Ранги қон рангида, ҳиди мушк ҳидида бўлади»**, дедилар».

*Насоий ривоят қилган.*

**«Расулуллоҳ соллаллоҳу алайҳи васаллам» китобидан**